

სს „სადაზღვევო კომპანია ტაო“

ფინანსური ანგარიშგება

2018 წლის 31 დეკემბერს დასრულებული წლისთვის

დამოუკიდებელი აუდიტორის

დასკვნასთან ერთად

ინგლისურ ენაზე გამოშვებული ორიგინალის თარგმანი

სარჩევი

გვერდი

ხელმძღვანელობის პასუხისმგებლობის ანგარიში.....	3
დამოუკიდებელი აუდიტორის დასკვნა.....	4
ფინანსური ანგარიშგება	
სრული შემოსავლის ანგარიშგება.....	7
ფინანსური მდგომარეობის ანგარიშგება.....	8
კაპიტალში ცვლილებების ანგარიშგება	9
ფულადი ნაკადების ანგარიშგება.....	10
განმარტებითი შენიშვნები	
1. ზოგადი ინფორმაცია.....	11
2. მნიშვნელოვანი სააღრიცხვო პოლიტიკის მიმოხილვა.....	11
3. ძირითადი სააღრიცხვო შეფასებები და გადაწყვეტილებები	17
4. წმინდა სადაზღვევო შემოსავალი.....	18
5. ფინანსური შემოსავალი.....	19
6. მთლიანი სარგებელი და დაურეგულირებელი ზარალი.....	19
7. ცვლილება ვალდებულებებში სადაზღვევო კონტრაქტებიდან	19
8. საერთო და ადმინისტრაციული ხარჯები.....	19
9. მოგების გადასახადი	20
10. ფულადი სახსრები და მისი ეკვივალენტები	20
11. მოთხოვნები საკრედიტო ინსტიტუტებიდან	20
12. სააქციო კაპიტალი	20
13. სადაზღვევო მოთხოვნა.....	20
14. გაცემული სესხი	20
15. სხვა ფინანსური აქტივები	21
16. წინასწარ გადახდები	21
17. სხვა ვალდებულებები.....	21
18. ვალდებულებები სადაზღვევო საქმიანობიდან	21
19. სადაზღვევო რისკი	21
20. ფინანსური რისკები.....	22
21. დაკავშირებული მხარეები	24
22. საანგარიშგებო პერიოდის შემდეგ მომხდარი მოვლენები.....	25

ხელმძღვანელობის პასუხისმგებლობის ანგარიში ფინანსური ანგარიშგების მომზადებასა და დამტკიცებაზე 2018 წლის 31 დეკემბერს დასრულებული წლისთვის

ხელმძღვანელობა პასუხისმგებელია ფინანსური ანგარიშგების მომზადებაზე, რომელიც სამართლიანად ასახავს საექციო საზოგადოება „სადაზღვევო კომპანია ტაოს“ (შემდგომში „კომპანია“) ფინანსურ მდგომარეობას 2018 წლის 31 დეკემბრის მდგომარეობით, მის მიერ წარმოებული ოპერაციების შედეგებს, ფულადი სახსრების მოძრაობასა და კაპიტალში ცვლილებებს ამავე თარიღით დასრულებული წლისთვის, ფინანსური ანგარიშგების საერთაშორისო სტანდარტების („IFRS“) შესაბამისად.


ფინანსური ანგარიშგების მომზადებისას ხელმძღვანელობა პასუხისმგებელია:

- მართებული ბუღალტრული პრინციპების არჩევასა და მათ თანმიმდევრულ გამოყენებაზე;
- გონივრულ მსჯელობასა და შეფასებებზე;
- განცხადებაზე, არის თუ არა ფინანსური ანგარიშგება მომზადებული IFRS-ის მიხედვით და თუა მნიშვნელოვანი გადახრები IFRS-დან წარმოდგენილი და ახსნილი; და
- ფინანსური ანგარიშგების მომზადებაზე ფუნქციონირებადი საწარმოს პრინციპის დაცვით, თუ შეუსაბამო არაა ვარაუდი, რომ პროგნოზირებად მომავალში კომპანიის ბიზნესის ფუნქციონირებას საფრთხე არ ემუქრება.


ხელმძღვანელობა აგრეთვე პასუხისმგებელია:

- კომპანიაში ეფექტიანი შიდა კონტროლის სისტემის შემუშავებაზე, დანერგვასა და შენარჩუნებაზე;
- ისეთი ბუღალტრული ჩანაწერების წარმოებაზე, რომელიც ნებისმიერ დროს, გონივრული სიზუსტით წარმოადგენს კომპანიის ფინანსურ მდგომარეობას და იძლევა რწმუნებას, რომ კომპანიის ფინანსური ანგარიშგება შეესაბამება IFRS-ის მოთხოვნებს;
- სავალდებულო ბუღალტრული ჩანაწერების წარმოებაზე საქართველოს კანონმდებლობის შესაბამისად;
- კომპანიის აქტივების უსაფრთხოების უზრუნველსაყოფად საჭირო ქმედებების განხორციელებაზე;
- თაღლითობისა და სხვა დარღვევების აღმოჩენასა და თავიდან აცილებაზე.

ფინანსური ანგარიშგება მომზადებული 2018 წლის 31 დეკემბრის მდგომარეობით, ხელმძღვანელობის მიერ დამტკიცდა გამოსაშვებად 2019 წლის 12 აპრილს:



გენერალური დირექტორი



მთავარი ბუღალტერი

დამოუკიდებელი აუდიტორის დასკვნა

სააქციო საზოგადოება „სადაზღვევო კომპანია ტაოს“ აქციონერებს და ხელმძღვანელობას:

დასკვნა ფინანსური ანგარიშგების აუდიტზე

მოსაზრება

ჩვენ ჩავატარეთ აუდიტი სს „სადაზღვევო კომპანია ტაოს“ (შემდგომში „კომპანია“) ფინანსური ანგარიშგებისა, რომელიც შედგება 2018 წლის 31 დეკემბრის მდგომარეობით მომზადებული ფინანსური მდგომარეობის ანგარიშგებისგან, ამავე თარიღში დამთავრებული წლის სრული შემოსავლის, საკუთარი კაპიტალის ცვლილებების და ფულადი ნაკადების ანგარიშგებისგან, ასევე ფინანსურ ანგარიშგებაზე დართული შენიშვნებისგან, რომელთა შორისაა ყველა მნიშვნელოვანი სააღრიცხვო პოლიტიკის მიმოხილვა.

ჩვენი აზრით, თანდართული ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს კომპანიის ფინანსურ მდგომარეობას 2018 წლის 31 დეკემბრის მდგომარეობით, აგრეთვე მის ფინანსურ საქმიანობას და ფულადი სახსრების მოძრაობას აღნიშნულ თარიღში დასრულებული წლისთვის, ფინანსური ანგარიშგების საერთაშორისო სტანდარტების (IFRS) შესაბამისად.

მოსაზრების საფუძველი

აუდიტს წარვმართავდით აუდიტის საერთაშორისო სტანდარტების (ISA) შესაბამისად. ამ სტანდარტებით განსაზღვრული ჩვენი პასუხისმგებლობები დეტალურადაა აღწერილი ამ დასკვნის ნაწილში: „აუდიტორის პასუხისმგებლობა ფინანსური ანგარიშგების აუდიტზე“. ჩვენ დამოუკიდებელი ვართ კომპანიისგან ბუღალტერთა ეთიკის საერთაშორისო სტანდარტების საბჭოს „პროფესიონალი ბუღალტრების ეთიკის კოდექსის“ შესაბამისად. გარდა ამისა, ვაკმაყოფილებთ ამ ეთიკის კოდექსით გათვალისწინებულ და საქართველოში არსებულ მოთხოვნებს. ჩვენ ვთვლით, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

სხვა ინფორმაცია

სხვა ინფორმაციაზე პასუხისმგებელია ხელმძღვანელობა. სხვა ინფორმაცია მოიცავს ინფორმაციას, რომელიც შეტანილია წლიურ ანგარიშგებაში, მაგრამ არ მოიცავს ფინანსურ ანგარიშგებასა და ჩვენ მიერ მასზე გაცემულ აუდიტორის დასკვნას. ჩვენ მოველით, რომ წლიური ანგარიშგება იქნება ხელმისაწვდომი ამ აუდიტის დასკვნის გამოცემის შემდგომ.

ჩვენი მოსაზრება ფინანსურ ანგარიშგებაზე არ მოიცავს ზემოაღნიშნულ სხვა ინფორმაციას და არანაირი ფორმის მარწმუნებელ დასკვნას არ წარმოვადგენთ მასზე.

ჩვენ მიერ ჩატარებულ ფინანსური ანგარიშგების აუდიტთან დაკავშირებით ჩვენი პასუხისმგებლობა იმაში მდგომარეობს, რომ გავცნოთ ზემოაღნიშნულ სხვა ინფორმაციას და განვიხილოთ, სხვა ინფორმაცია არის თუ არა არსებითად შეუსაბამო ფინანსურ ანგარიშგებასთან, ან აუდიტის პროცესში ჩვენ მიერ მოპოვებულ ინფორმაციასთან, ან სხვა მხრივ ხომ არ ტოვებს ისეთ შთაბეჭდილებას, რომ არსებითად მცდარია.

ხელმძღვანელობის და მეთვალყურეობაზე პასუხისმგებელ პირთა პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია თანდართული ფინანსური ანგარიშგების მომზადებასა და სამართლიან წარდგენაზე IFRS-ის შესაბამისად, ასევე შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას ხელმძღვანელობას ევალება, შეაფასოს კომპანიის ფუნქციონირებადობის უნარი და, აუცილებლობის შემთხვევაში, ფინანსური ანგარიშგების შენიშვნებში განმარტოს საკითხები, რომლებიც დაკავშირებულია საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს კომპანიის ლიკვიდაცია ან საქმიანობის შეწყვეტა, ან თუ არა აქვს სხვა რეალური არჩევანი, ასე რომ არ მოიქცეს.

მეთვალყურეობაზე პასუხისმგებელი პირები პასუხისმგებლები არიან კომპანიის ფინანსური ანგარიშგების მომზადებისა და წარდგენის პროცესის ზედამხედველობაზე.

აუდიტორის პასუხისმგებლობა ფინანსური ანგარიშგების აუდიტზე

ჩვენი მიზანია, მოვიპოვოთ დასაბუთებული რწმუნება იმის თაობაზე, მოცემული ფინანსური ანგარიშგება შეიცავს თუ არა თაღლითობით ან შეცდომით გამოწვეულ არსებით უზუსტობას და შევადგინოთ აუდიტორის დასკვნა, რომელიც მოიცავს ჩვენს მოსაზრებას. გონივრული რწმუნება მაღალი დონის რწმუნებაა, მაგრამ არ არის იმის გარანტია, რომ ISA-ს შესაბამისად ჩატარებული აუდიტი ყოველთვის გამოავლენს არსებით უზუსტობას, როცა ის არსებობს. უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში თუ გონივრულ ფარგლებში მოსალოდნელია, რომ ისინი, ცალ-ცალკე ან ერთობლივად, გავლენას მოახდენს იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან მოცემულ ფინანსურ ანგარიშგებას.

ISA-ს შესაბამისად აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ:

- ვადგენთ და ვაფასებთ თაღლითობით ან შეცდომით გამოწვეულ, ფინანსური ანგარიშგების არსებითი უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტორულ პროცედურებს და ვკვრიფავთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორი ინფორმაციის მიწოდებას ან შიდა კონტროლის იგნორირებას.
- შევისწავლით აუდიტისთვის შესაფერის შიდა კონტროლის საშუალებებს, რათა დავგეგმოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ კომპანიის შიდა კონტროლის ეფექტიანობაზე.
- ვაფასებთ ხელმძღვანელობის მიერ გამოყენებული საადრიცხვო პოლიტიკის მიზანშეწონილობას, ხელმძღვანელობის მიერ განსაზღვრული საადრიცხვო შეფასებების დასაბუთებულობასა და შესაბამისი ახსნა-განმარტებების მართებულობას.

- დასკვნა გამოგვაქვს ხელმძღვანელობის მიერ ანგარიშების საფუძველად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა კომპანიის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის დასკვნაში ყურადღების გამახვილება ფინანსური ანგარიშების შესაბამის შენიშვნებზე, ან, თუ ამგვარი განმარტებითი შენიშვნები ადეკვატური არ არის - ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტორულ მტკიცებულებებს. თუმცა, ამის შემდგომი მომავალი მოვლენების ან პირობების გავლენით შეიძლება კომპანია უკვე აღარ იყოს ფუნქციონირებადი საწარმო.
- ვაფასებთ ფინანსური ანგარიშების წარდგენას მთლიანობაში, მის სტრუქტურასა და შინაარსს, მათ შორის, ახსნა-განმარტებებს და ასევე ფინანსური ანგარიშგება უზრუნველყოფს თუ არა მის საფუძველად აღებული ოპერაციებისა და მოვლენების სამართლიან წარდგენას.

მართვის უფლებამოსილებით აღჭურვილ პირებს, სხვა საკითხებთან ერთად, ინფორმაციას ვაწვდით აუდიტის დაგეგმილი მასშტაბისა და ვადების, ასევე აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.

გარიგების პარტნიორი აუდიტზე, რომლის შედეგიცაა ეს დასკვნა, არის მალხაზ უჯმაჯურიძე.


შპს „ნექსია თიეი“-ს სახელით
 მალხაზ უჯმაჯურიძე
 2019 წლის 12 აპრილი




სს „სადაზღვევო კომპანია ტაო“
 სრული შემოსავლის ანგარიშგება
 2018 წლის 31 დეკემბრის მდგომარეობით
 (თანხა მოცემულია ათას ლარში)

	გ/შ	2018	2017
მოზიდული პრემია		6,002	44
ნეტო ცვლილება გამოუმუშავებელი პრემიის რეზერვში		(2,073)	48
გადამზღვეველთა წილი მოზიდულ პრემიაში		(6)	371
წმინდა სადაზღვევო შემოსავალი	4	3,923	463
ფინანსური შემოსავალი	5	760	681
სხვა სადაზღვევო შემოსავალი		97	26
სულ შემოსავალი		4,780	1,170
სადაზღვევო ხარალები	6	(811)	(36)
საკომისიო ხარჯები		(174)	(1)
გაუფასურების ხარჯები		(5)	10
ცვლილება სადაზღვევო ვალდებულებებში	7	(475)	103
ნეტო გამოუმუშავებელი პრემია		3,315	1,246
საერთო და ადმინისტრაციული ხარჯები	8	(367)	(89)
გაცვლითი კურსის ეფექტი უცხოურ ვალუტაზე		106	(1)
სხვა შემოსავალი		14	-
მოგება დაბეგრამდე		3,068	1,156
მოგების გადასახადი	9	(466)	(169)
მიმდინარე წლის წმინდა მოგება		2,602	987

დამტკიცებულია გამოსაშვებად და ხელმოწერილია ხელმძღვანელობის სახელით 2019 წლის 12 აპრილს.



 გენერალური დირექტორი



 მთავარი ბუღალტერი

სს „სადაზღვევო კომპანია ტაო“
 ფინანსური მდგომარეობის ანგარიშგება
 2018 წლის 31 დეკემბრის მდგომარეობით
 (თანხა მოცემულია ათას ლარში)

	გ/შ	31 დეკემბერი, 2018	31 დეკემბერი, 2017
აქტივები			
ფულადი სახსრები და მათი ეკვივალენტები	10	654	117
მოთხოვნები საკრედიტო ინსტიტუტებიდან	11	6,349	5,306
სადაზღვევო მოთხოვნები	13	2,220	67
დებიტორული დავალიანება		40	22
გაცემული სესხები	14	3,338	1,889
სხვა ფინანსური აქტივები	15	200	-
წინასწარ გადახდები	16	156	4
გადავადებული აკვიზიციის ხარჯები		64	-
გადაზღვევის აქტივები		4	-
არამატერიალური აქტივები		1	1
სულ აქტივები		13,026	7,406
ვალდებულებები			
ვალდებულება გადაზღვევიდან		9	-
სხვა ვალდებულებები	17	534	95
ვალდებულებები სადაზღვევო კონტრაქტებიდან	18	2,696	126
სულ ვალდებულებები		3,239	221
კაპიტალი			
საწესდებო კაპიტალი	12	2,500	2,500
გაუნაწილებელი მოგება		4,685	3,698
მიმდინარე პერიოდის მოგება		2,602	987
სულ კაპიტალი		9,787	7,185
სულ ვალდებულებები და კაპიტალი		13,026	7,406

დამტკიცებულია გამოსაშვებად და ხელმოწერილია ხელმძღვანელობის სახელით 2019 წლის 12 აპრილს.



 გენერალური დირექტორი


 მთავარი ბუღალტერი

სს „სადაზღვევო კომპანია ტაო“
 კაპიტალის მოძრაობის ანგარიშგება
 2018 წლის 31 დეკემბრის მდგომარეობით
 (თანხა მოცემულია ათას ლარში)

	საწესდებო კაპიტალი (შენიშვნა 12)	გაუნაწილებელი მოგება	სულ
31 დეკემბერი 2016	2,500	3,698	6,198
მიმდინარე პერიოდის მოგება	-	987	987
31 დეკემბერი 2017	2,500	4,685	7,185
მიმდინარე პერიოდის მოგება	-	2,602	2,602
31 დეკემბერი 2018	2,500	7,287	9,787

დამტკიცებულია გამოსაშვებად და ხელმოწერილია ხელმძღვანელობის სახელით 2019 წლის 12 აპრილს.


 გენერალური დირექტორი



 მთავარი ბუღალტერი


11 - 25 გვერდებზე წარმოდგენილი შენიშვნები ფინანსური ანგარიშგების განუყოფელი ნაწილია.

სს „სადაზღვევო კომპანია ტაო“
 ფულადი ნაკადების ანგარიშგება
 2018 წლის 31 დეკემბრის მდგომარეობით
 (თანხა მოცემულია ათას ლარში)

	2018	2017
ფულადი ნაკადები საოპერაციო საქმიანობიდან		
მიღებული სადაზღვევო პრემია	3,640	110
ანაზღაურებული ზარალები	(721)	(36)
შემოდინება რეგრესიდან და გადარჩენილი ქონების რეალიზაციიდან	42	-
გადახდილი ხელფასები	(62)	(32)
აგენტის და ბროკერის საკომისიო	(124)	(1)
აუდიტის და საკონსულტაციო მომსახურება	(7)	(19)
გადახდილი გადასახადი, მოგების გადასახადის გარდა	(9)	(1)
სხვა მომწოდებლებისთვის გადახდილი ფულადი სახსრები	(54)	(6)
წმინდა ფულადი ნაკადები საოპერაციო საქმიანობიდან მოგების გადასახადის გადახდამდე	2,705	15
მოგების გადასახადი	(194)	(69)
საოპერაციო საქმიანობიდან ფულადი სახსრების წმინდა ნაზრდი/(გასავალი)	2,511	(54)
ფულადი ნაკადები საინვესტიციო საქმიანობიდან		
სესხის გაცემა	(3,909)	(419)
გაცემული სესხის დაბრუნება	1,929	1,122
მიღებული პროცენტები დეპოზიტებიდან	484	531
მიღებული პროცენტები მიმდინარე ანგარიშებიდან	25	-
მიღებული პროცენტები გაცემული სესხებიდან	608	9
გადინება სხვა საინვესტიციო საქმიანობიდან	(448)	(14)
შემოსავალი თამასუქების და სარგებლის დაფარვიდან	331	173
საინვესტიციო საქმიანობიდან ფულადი სახსრების წმინდა (გასავალი)/ნაზრდი	(980)	1,402
ფულადი ნაკადები საფინანსო საქმიანობიდან	-	-
წმინდა ზრდა ფულად სახსრებში და მათ ექვივალენტებში	1,531	1,348
ფულადი სახსრები და მათი ექვივალენტები პერიოდის დასაწყისში, 1 იანვარი	5,073	3,725
ფულადი სახსრები და მისი ექვივალენტები 31 დეკემბრის მდგომარეობით	6,604	5,073

დამტკიცებულია გამოსაშვებად და ხელმოწერილია ხელმძღვანელობის სახელით 2019 წლის 12 აპრილს.


 გენერალური დირექტორი


 მთავარი ბუღალტერი

1. ზოგადი ინფორმაცია

სადაზღვევო კომპანია ტაო (შემდგომში „კომპანია“) არის საქართველოს კანონმდებლობის შესაბამისად დარეგისტრირებული სააქციო საზოგადოება. კომპანია დაფუძნდა 2007 წლის 22 აგვისტოს და ახორციელებს სხვადასხვა სადაზღვევო მომსახურებას საქართველოში. კომპანიის იურიდიული მისამართია საქართველო, ქალაქი თბილისი, ვაკის რაიონი, გამზირი ი.ჭავჭავაძე N 20.

2018 წლის 31 დეკემბრის და 2017 წლის 31 დეკემბრის მდგომარეობით კომპანიის აქციონერია სს „სადაზღვევო კომპანია ალდაგი“ – 100%, რომლის ერთპიროვნული მფლობელი 2018 წლის 31 დეკემბრის მდგომარეობით არის შეზღუდული პასუხისმგებლობის საჯარო კომპანია „საქართველოს კაპიტალი“ (დაფუძნებული გაერთიანებულ სამეფოში) ხოლო 2017 წლის 31 დეკემბრის მდგომარეობით არის შეზღუდული პასუხისმგებლობის საჯარო კომპანია „ბიჯეო ჯგუფი“.

2. მნიშვნელოვანი სააღრიცხვო პოლიტიკის მიმოხილვა

2.1. მომზადების საფუძველი

წინამდებარე ფინანსური ანგარიშგება მომზადებულია ფუნქციონირებადი საწარმოს პრინციპისა და ბუღალტრული აღრიცხვის საერთაშორისო სტანდარტების საბჭოს (IASB) მიერ გამოცემული ფინანსური ანგარიშგების საერთაშორისო სტანდარტების (IFRS) შესაბამისად, რომლებიც ძალაშია 2018 წლის 31 დეკემბრის მდგომარეობით.

ფინანსური ანგარიშგება მოიცავს სრული შემოსავლის, ფინანსური მდგომარეობის, კაპიტალში ცვლილებების და ფულადი ნაკადების ანგარიშგებებს და განმარტებით შენიშვნებს.

ფინანსური ანგარიშგება მომზადებულია ისტორიული ღირებულების მეთოდით, თუ ქვემოთ მოცემულ სააღრიცხვო პოლიტიკაში სხვა რამ არ არის ნახსენები. ისტორიული ღირებულება ზოგადად დაფუძნებულია აქტივების სანაცვლოდ გაცემული თანხის სამართლიან ღირებულებაზე.

სამართლიანი ღირებულება არის თანხა, რომელიც მიიღება აქტივის გაყიდვის შედეგად ან გადაიხდება ვალდებულების გასტუმრების შედეგად ბაზრის მონაწილეებს შორის ჩვეულებრივი გარიგების პირობებში, შეფასების თარიღისთვის. როდესაც ხდება აქტივის ან ვალდებულების სამართლიანი ღირებულებით შეფასება, კომპანია იყენებს ბაზარზე გავრცელებულ მონაცემებს, რამდენადაც ისინი ხელმისაწვდომია. იმ შემთხვევაში, თუ შეუძლებელია აქტივის ან ვალდებულების სამართლიანი ღირებულების პირდაპირ დადგენა, კომპანია ახორციელებს მის შეფასებას (გარე კვალიფიციურ შემფასებლებთან მჭიდრო თანამშრომლობით) ისეთი შეფასების მეთოდების გამოყენებით, რომელიც მაქსიმალურად იყენებს შესაბამის საბაზრო მონაცემებს და მინიმალურად იყენებს არასაბაზრო მონაცემებს (მაგ: საბაზრო შედარებითი მიდგომის გამოყენებით, რომელიც ასახავს მსგავსი ინსტრუმენტების უკანასკნელი ტრანზაქციის ფასებს, ან დისკონტირებული ფულადი ნაკადის ანალიზით). მონაცემები შეესაბამება აქტივის/ვალდებულების მახასიათებლებს, რომლებსაც გაითვალისწინებდნენ ბაზრის მონაწილეები.

2.2. ახალი და შესწორებული სტანდარტების გამოყენება

კომპანიას წინასწარ არ გამოუყენებია ახალი, შესწორებული ან შეცვლილი სტანდარტები, რომლებიც ჯერ არ არის ძალაში შესული. მოცემულმა სტანდარტებმა/შესწორებებმა შესაძლოა მნიშვნელოვანი გავლენა მოახდინონ კომპანიის ფინანსურ ანგარიშგებებზე. თუმცა, დეტალური მიმოხილვის გარეშე შეუძლებელია აღნიშნულის გონივრული შეფასება.

- 2016 წლის სექტემბერში ბუღალტრული აღრიცხვის საერთაშორისო სტანდარტების საბჭომ (IASB) გამოსცა ფასს 4-ის შესწორებები, რომელიც გამოწვეულია ფასს 9-ის და ახალი სადაზღვევო კონტრაქტების სტანდარტის ფასს 17-ის ძალაში შესვლის განხვავებული თარიღებით. ფასს 9 არეგულირებს ფინანსური ინსტრუმენტების აღრიცხვას და ძალაში შედის 2018 წლის 1 იანვარს, ან მის შემდგომ დაწყებული წლიური პერიოდებისთვის. თუმცა, მზღვეველისთვის, რომელიც აკმაყოფილებს გარკვეულ კრიტერიუმებს, ფასს 9 ითვალისწინებს დროებით გამონაკლისს (განთავისუფლებას), რომელიც მზღვეველს ფასს 9-ის ნაცვლად ბასს 39 – „ფინანსური ინსტრუმენტები: აღიარება და შეფასება“ – გამოყენების უფლებას აძლევს, მაგრამ არ ავალდებულებს იმ წლიური პერიოდებისთვის, რომლებიც იწყება 2021 წლის 1 იანვრამდე. მზღვეველს მხოლოდ და მხოლოდ მაშინ შეუძლია ფასს 9-ის გამოყენებიდან დროებით განთავისუფლების მიდგომის გამოყენება, თუ:
ა) მას წინათ ფასს 9-ის არანაირი ვერსია არ გამოუყენებია, გარდა იმ მოთხოვნებისა, რომლებიც ეხება ისეთ ფინანსურ ვალდებულებებთან დაკავშირებული შემოსულობის ან ზარალის წარდგენას, რომლებიც საწარმოს, საკუთარი შეხედულებისამებრ, კლასიფიცირებული აქვს, როგორც რეალური ღირებულებით შეფასებული, მოგებაში ან ზარალში ასახვით; და ბ) მისი საქმიანობა ძირითადად დაკავშირებულია დაზღვევასთან წლიური საანგარიშგებო თარიღის მდგომარეობით, რომელიც უშუალოდ წინ უსწრებს 2016 წლის 1 აპრილს, ან მომდევნო წლიური საანგარიშგებო თარიღისთვის. გადაფარვის მიდგომა საწარმოს უფლებას აძლევს მოახდინოს მოგებასა და ზარალს და სხვა სრულ შემოსავალს შორის ისეთი თანხის რეკლასიფიკაცია, რომ საანგარიშგებო პერიოდის ბოლოს საკუთარი შეხედულებისამებრ კლასიფიცირებულ აქტივებთან დაკავშირებული მოგება ან ზარალი ისეთივე სიდიდის იყოს, რაც მიიღებოდა იმ შემთხვევაში, თუ მზღვეველი საკუთარი შეხედულებისამებრ კლასიფიცირებულ ფინანსურ აქტივებთან მიმართებით ბასს 39-ს გამოიყენებდა. საწარმოს შეუძლია გამოიყენოს დროებით გათავისუფლება ფასს 9-ის გამოყენებისგან 2018 წლის 1 იანვარს, ან მის შემდგომ დაწყებული წლიური პერიოდებისთვის. საწარმოს შეუძლია დაიწყოს გადაფარვის მიდგომის გამოყენება როდესაც დაიწყებს ფასს 9-ის პირველად გამოყენებას. 2017 წლის განმავლობაში კომპანიამ შეაფასა არსებული ცვლილებები და მივიდა დასკვნამდე რომ მისი აქტივობები უპირატესად დაკავშირებულია დაზღვევასთან 2015 წლის 31 დეკემბრის მდგომარეობითაც. 2018 წლის განმავლობაში არ მომხდარა ისეთი მნიშვნელოვანი ცვლილებები კომპანიის საქმიანობაში, რომლებიც მოითხოვს ხელახალ გადახედვას. კომპანია გეგმავს ფასს 9-ის გამოყენებისგან დროებით გათავისუფლების მიდგომის გამოყენებას. აქედან გამომდინარე, კომპანია აგრძელებს ბასს 39-ის გამოყენებას მისი ფინანსური აქტივებისა და ვალდებულებებისთვის 2018 წლის 1 იანვარს დაწყებულ წლიურ პერიოდში.
- ფასს 17 - სადაზღვევო ხელშეკრულებების (გამოცემულია 2017 წლის მაისში) სტანდარტი, რომელიც შეცვლის ფასს 4-ს, ძალაში შედის 2021 წლის 1 იანვრიდან ან/და შემდგომ პერიოდებში (ადრეული გამოყენება დაშვებულია მხოლოდ მაშინ როდესაც საწარმო იყენებს ფასს 9-ს და ფასს 15-ს) რომლის თანახმადაც, სადაზღვევო ვალდებულება განისაზღვრება მიმდინარე შესრულების ღირებულებით და წარმოადგენს შედარებით სრულ საზომ და წარმოსადეგ მიდგომას ყველა ტიპის სადაზღვევო გარიგებისთვის. ზემოხსენებული მოთხოვნები შექმნილია იმისათვის, რომ მიღწეულ იქნას სადაზღვევო გარიგებების თანმიმდევრული, პრინციპებზე დაფუძნებული ბუღალტრული აღრიცხვა, რაც ფინანსური ანგარიშგების მომხმარებელს საშუალებას მისცემს შეაფასოს ეფექტი, რომელიც აქვთ სადაზღვევო ხელშეკრულებებს საწარმოს ფინანსურ მდგომარეობაზე, მის ფინანსურ შედეგებზე და ფულად ნაკადებზე. სტანდარტი ასევე მოითხოვს

რომ იგივე პრინციპით აღირიცხოს გადაზღვევისა და დისკრეციული მონაწილეობის მახასიათებლებით გაცემული საინვესტიციო ხელშეკრულებები.

2.3. სადაზღვევო შემოსავლების და ხარჯების აღიარება

2.3.1. მოზიდული პრემია

ბრუტო სადაზღვევო მოზიდული პრემია შედგება საანგარიშგებო პერიოდში გაფორმებული კონტრაქტების მოქმედების მთლიანი პერიოდის განმავლობაში მისაღები პრემიისგან. მათი აღიარება ხდება პოლისის ამოქმედების თარიღში. ეს პრემია მოიცავს წინა სააღრიცხვო პერიოდებში მოზიდული პრემიის კორექტირებას, რომელიც გახორციელდა მოცემულ საანგარიშგებო პერიოდში.

გამოუმუშავებელი პრემია არის წლის განმავლობაში მოზიდული პრემიის ის ნაწილი, რომელიც დაკავშირებულია საანგარიშგებო თარიღის შემდეგ არსებულ რისკის პერიოდებთან. გამოუმუშავებელი პრემია გამოითვლება ყოველდღიური სიხშირით პროპორციულად. მომდევნო პერიოდებთან დაკავშირებული პროპორცია გადავადებულია, როგორც გამოუმუშავებელი პრემიის რეზერვი.

2.3.2. გადაზღვევის პრემია

ბრუტო გადაზღვევის პრემია შედგება საანგარიშგებო პერიოდში გაფორმებული კონტრაქტების მოქმედების მთლიანი პერიოდის განმავლობაში გადასახდელი პრემიისგან. მათი აღიარება ხდება პოლისის ამოქმედების თარიღში. ეს პრემია მოიცავს წინა სააღრიცხვო პერიოდებში აღიარებული პრემიის კორექტირებას, რომელიც გახორციელდა მოცემულ საანგარიშგებო პერიოდში.

გამოუმუშავებელი გადაზღვევის პრემია არის წლის განმავლობაში აღიარებული დასათმობი პრემიის ის ნაწილი, რომელიც დაკავშირებულია საანგარიშგებო თარიღის შემდეგ არსებულ რისკის პერიოდებთან. გამოუმუშავებელი გადაზღვევის პრემია გამოითვლება იმ სადაზღვევო პოლისის შესაბამისად, რომლის რისკის გადაზღვევაც ხდება.

2.3.3. სადაზღვევო ზარალები

სადაზღვევო ზარალები მოიცავს ყველა იმ სადაზღვევო შემთხვევის შედეგად დამდგარ ზარალს, რომლებიც მოხდა საანგარიშგებო პერიოდის განმავლობაში, მიუხედავად იმისა, ისინი იყო განცხადებული თუ არა. ამ ზარალების გამოთვლისას გაითვალისწინება მათი დარეგულირების პირდაპირი ხარჯები, ანაზღაურებები (რეგრესი, გადარჩენილი ქონება) და წინა პერიოდების ზარალების კორექტირება.

2.4. არაფინანსური აქტივების გაუფასურება

აქტივების ნარჩენი საბალანსო ღირებულების გადამოწმება ხდება თითოეულ საანგარიშგებო თარიღში გაუფასურების ინდიკატორების შესაფასებლად და გაუფასურების შემთხვევაში, ის ჩამოიწერება ანაზღაურებად ღირებულებამდე, მოგება-ზარალის ანგარიშგების ხარჯებში გატარებით. ანაზღაურებადი ღირებულება არის გამოყენების ეკონომიკური სარგებლის და სამართლიან ღირებულებას შორის უმეტესი.

2.6. ფინანსური ინსტრუმენტები

კომპანია ფინანსურ აქტივს ან ვალდებულებას თავდაპირველად აღიარებს ფინანსური მდგომარეობის ანგარიშგებაში მაშინ და მხოლოდ მაშინ, როდესაც იგი ხდება ინსტრუმენტის სახელშეკრულებო შეთანხმების მონაწილე. თავდაპირველი აღიარებისას, კომპანია ყველა ფინანსურ აქტივსა და ვალდებულებას აღიარებს სამართლიანი ღირებულებით, რაც განისაზღვრება გარიგების ფასით. ფინანსური ინსტრუმენტების აღიარება ხდება მაშინ, როცა კომპანია ხდება საკონტრაქტო ხელშეკრულების მხარე.

ფინანსური ინსტრუმენტები აღირიცხება საწყის ღირებულებას დამატებული ხარჯები, რომლებიც დაკავშირებულია შეძენასთან, გარდა ფინანსური აქტივებისა, რომლებიც თავიდანვე სამართლიან ღირებულებას გამოკლებული ტრანზაქციის ხარჯები (რაც აღირიცხება მოგებასა და ზარალში).

შემდგომი აღირიცხვა დამოკიდებულია თავდაპირველი აღიარებისას მათ კლასიფიკაციაზე. საანგარიშგებო პერიოდში კომპანიამ ფინანსური ინსტრუმენტები დააკლასიფიცირა, როგორც სესხები და მოთხოვნები. ეს ფინანსური აქტივები აღირიცხება ამორტიზირებული ღირებულებით, ეფექტური საპროცენტო განაკვეთის მეთოდის გამოყენებით (გარდა მოკლევადიანი მოთხოვნებისა, სადაც პროცენტი უმნიშვნელოა), რასაც გამოაკლდება გაუფასურებით ან უიმედო ვალად ცნობის შედეგად წარმოქმნილი ზარალი. გაუფასურების ინდიკატორების შეფასება ხდება ყოველი საანგარიშგებო თარიღისთვის. როგორც წესი, სავაჭრო და სხვა მოთხოვნები, საბანკო ნაშთები და ფული კლასიფიცირდება ამ კატეგორიაში.

ფინანსური აქტივების აღიარება წყდება მაშინ, როცა ინვესტიციიდან ფულადი ნაკადების მიღების უფლება ამოიწურება ან გადაიცემა მფლობელობასთან დაკავშირებულ ყველა რისკთან და უკუგებასთან ერთად.

ფინანსური ვალდებულებების შემდგომი შეფასება დამოკიდებულია თავდაპირველი აღიარებისას მათ კლასიფიკაციაზე. საანგარიშგებო პერიოდში კომპანიას არ დაუკლასიფიცირებია ფინანსური ვალდებულება, როგორც სამართლიანი ღირებულებით აღირიცხული ფინანსური ვალდებულებები მოგება-ზარალში ასახვით (FVTPL). ყველა სხვა ვალდებულება აღიარდება ამორტიზირებული ღირებულებით, ეფექტური საპროცენტო განაკვეთის მეთოდის გამოყენებით. სავაჭრო და სხვა ვალდებულებების თავდაპირველად აღიარებული ღირებულება ჩვეულებრივ არ იცვლება ხოლმე, ვინაიდან ვალდებულება ზუსტადაა ცნობილი და ანგარიშსწორება მოსალოდნელია მოკლე ვადაში.

ფინანსური ვალდებულება კომპანიის ფინანსური მდგომარეობის ანგარიშგებიდან ამოღებულ იქნება მხოლოდ მაშინ, როდესაც ვალდებულება შესრულდება, გაუქმდება ან ამოიწურება (დაიფარება). სხვაობა შეწყვეტილი ფინანსური ვალდებულების საბალანსო ღირებულებას და გადახდილ საზღაურს შორის აღიარდება მოგება-ზარალში.

ფინანსური აქტივები და ვალდებულებები იქვითება და წმინდა თანხის წარმოდგენა ხდება ფინანსური მდგომარეობის ანგარიშგებაში, როცა არსებობს გაქვითვის იურიდიული უფლება და ანგარიშსწორების გაქვითულ თანხაზე წარმოების განზრახვა.

წილობრივი ინსტრუმენტები წარმოადგენენ ხელშეკრულებებს, რომლებიც ადასტურებენ კომპანიის აქტივებში მისი ყველა ვალდებულების გამოქვითვის შემდეგ დარჩენილი წილის უფლებას. წილობრივი ინსტრუმენტები აღიარდება ტრანზაქციიდან მიღებული თანხის ოდენობით, გარიგებასთან პირდაპირ დაკავშირებული ხარჯების გამოკლების შემდეგ.

სს „სადაზღვევო კომპანია ტაო“
ფინანსური ანგარიშგების განმარტებითი შენიშვნები
2018 წლის 31 დეკემბრის მდგომარეობით
(თანხა მოცემულია ათას ლარში)

დივიდენდები აღიარდება ვალდებულებებად, მათი დეკლარირების მომენტში. როგორც წესი, დივიდენდები ვალდებულებებად აღიარდება იმ პერიოდში, როდესაც მტკიცდება მათი განაწილება აქციონერთა საერთო კრებაზე. შუალედური დივიდენდები აღიარდება გადახდისთანავე.

2.6.1. სადაზღვევო მოთხოვნები

სადაზღვევო მოთხოვნები არის ფინანსური აქტივი, რომელიც შედგება გამომუშავებული (გადახდის ვადადამდგარი) და გამოუმუშავებელი პრემიების მოთხოვნებისგან.

2.6.2. გადაზღვევის აქტივები

გადაზღვევის აქტივები წარმოადგენს გადამზღვევის წილს სადაზღვევო კონტრაქტებიდან წარმოშობილ ვალდებულებებში.

2.7. სადაზღვევო კონტრაქტებიდან წარმოშობილი ვალდებულებები

სადაზღვევო კონტრაქტებიდან წარმოშობილი ვალდებულებები მოიცავს გადასახდელი სადაზღვევო ზარალების რეზერვს და გამოუმუშავებელი პრემიის რეზერვს. გადასახდელი სადაზღვევო ზარალების რეზერვი განისაზღვრება ყველა მომხდარი, მაგრამ დაურეგულირებელი სადაზღვევო შემთხვევის საბოლოო ხარჯის შეფასებაზე დაყრდნობით. ასეთი შემთხვევები შეიძლება იყოს განცხადებული (RBNS) ან განუცხადებელი (IBNR). განცხადებასა და დარეგულირებას შორის არსებული დროის პერიოდის გამო, საბოლოო ხარჯი დაზუსტებით არ არის ცნობილი საანგარიშგებო თარიღში. მომხდარი, მაგრამ განუცხადებელი ზარალების რეზერვის (IBNR) დათვლა ხდება წარსული სტატისტიკიდან გამომდინარე, ჯაჭვური მეთოდით, აქტუარული დათვლების საფუძველზე.

გამომუშავებელი პრემიის რეზერვი (UPR) წარმოადგენს მიღებული ან მისაღები პრემიის იმ ნაწილს, რომელიც დაკავშირებულია საანგარიშგებო თარიღში ჯერ არ ამოწურულ რისკებთან. UPR აღიარდება კონტრაქტის გაფორმებისას, ამ კონტრაქტის ვადის განმავლობაში მისაღები პრემიის ოდენობით.

2.7.1. ვალდებულების ადეკვატურობის ტესტი

ვალდებულების ადეკვატურობის შემოწმება ხდება იმისათვის, რომ დადგინდეს, აღემატება თუ არა მოსალოდნელი ზარალები გამოუმუშავებელ პრემიას (მინუს აკვიზიციის გადავადებული ხარჯი). თუ აღმოჩნდება, რომ გამოუმუშავებელი პრემიის რეზერვი არის არაადეკვატური, ხდება პრემიის დეფიციტის რეზერვის აღიარება მოგება-ზარალის გამოყენებით.

2.8. უცხოურ ვალუტაში განხორციელებული ოპერაციები

უცხოურ ვალუტაში არსებული მონეტარული აქტივები და ვალდებულებები ანგარიშგების თარიღში გადაყვანილია კომპანიის ფუნქციონალურ ვალუტაში (ქართული ლარი, ლ), საქართველოს ეროვნული ბანკის მიერ დადგენილი ოფიციალური გაცვლითი კურსის მიხედვით:

	USD/ლ	EUR/ლ
გაცვლითი კურსი 2018 წლის 31 დეკემბრის მდგომარეობით	2.6766	3.0701
საშუალო გაცვლითი კურსი 2018 წელს	2.5345	2.9913
გაცვლითი კურსი 2017 წლის 31 დეკემბრის მდგომარეობით	2.5922	3.1044
საშუალო გაცვლითი კურსი 2017 წელს	2.5086	2.8322

ტრანზაქციის თარიღის შემდეგ მომხდარი კურსთაშორის სხვაობის შედეგად მიღებული მოგება ან ზარალი აღიარდება მოგება-ზარალში.

უცხოურ ვალუტაში გამოხატული და ისტორიული ღირებულებით ასახული არამონეტარული აქტივები და ვალდებულებები ასახულია ტრანზაქციის თარიღისათვის მოქმედი გაცვლითი კურსის შესაბამისად.

2.9. მოგების გადასახადი

მოგების გადასახადი გამოითვლება მოქმედი ან ანგარიშგების თარიღის დღეს ძალაში შესული საგადასახადო განაკვეთით. დასაბეგრი მოგება სააღრიცხვო მოგებისგან განსხვავდება იმ მიზეზის გამო, რომ ზოგი შემოსავალი და ხარჯი არასდროს იბეგრება ან იქვითება, ან მათი დაბეგვრის ან დაქვითვის დროის მონაკვეთი განსხვავებულია მოქმედი საგადასახადო კანონმდებლობისა და სააღრიცხვო მიდგომების თვალსაზრისით.

ფინანსური მდგომარეობის ანგარიშგების ვალდებულებათა მეთოდით, გადავადებული გადასახადის აღიარება ხდება ფინანსური მდგომარეობის ანგარიშგებაში მოცემული აქტივებისა და ვალდებულებების საბალანსო ღირებულებას და შესაბამის საგადასახადო ბაზას შორის ყველა დროებითი სხვაობის მიხედვით.

გადავადებული მოგების გადასახადი გამოითვლება იმ საგადასახადო განაკვეთებით, რომლებიც მოსალოდნელია აქტივის რეალიზების ან ვალდებულების დაფარვის პერიოდისათვის იმ საგადასახადო განაკვეთის (და საგადასახადო კანონმდებლობის) საფუძველზე, რომელიც ძალაში შევიდა საანგარიშგებო პერიოდის ბოლოსთვის.

გადავადებული საგადასახადო აქტივები აღიარდება მხოლოდ იმის გათვალისწინებით, თუ რამდენად თვლის კომპანია (უფრო სავარაუდოა ვიდრე არა), რომ იმავე საგადასახადო იურისდიქციის ფარგლებში მას ექნება საკმარისი დასაბეგრი მოგება აქტივის უტილიზაციისთვის.

გადავადებული საგადასახადო აქტივები და ვალდებულებები ურთიერთგაიქვითება მხოლოდ მაშინ, როდესაც არსებობს იურიდიული უფლება მიმდინარე საგადასახადო აქტივების მიმდინარე საგადასახადო ვალდებულებებთან გასაქვითად, ისინი დაკავშირებულია ერთსა და იმავე საგადასახდო ორგანოსთან და კომპანიას სურს თანხების დაფარვა ურთიერთგაიქვითვის საფუძველზე.

პერიოდის განმავლობაში მოგების გადასახადის ხარჯი მოიცავს მიმდინარე და გადავადებულ გადასახადებს. მოგების გადასახადის ხარჯი აღიარდება მოგება-ზარალში, გარდა იმ შემთხვევისა, თუ იგი წარმოიშვა ტრანზაქციიდან ან გარემოებებიდან, რომლებიც აღირიცხა სხვა სრული შემოსავლის ან პირდაპირ კაპიტალის მუხლში.

2.10. ანარიცხები

თუ წარსული მოვლენების შედეგად, საანგარიშგებო თარიღის მომენტისთვის კომპანიას აქვს მიმდინარე ვალდებულება (იურიდიული ან კონსტრუქციული) და სავარაუდოა, რომ კომპანია შეასრულებს ამ ვალდებულებას, მაშინ ფინანსური მდგომარეობის ანგარიშგებაში აღიარდება ანარიცხები. ანარიცხები ფასდება ვალდებულების დასაფარად საჭირო თანხით და დისკონტირდება მიმდინარე ღირებულებამდე განაკვეთით, რაც ასახავს დროში ფულის ღირებულების ცვლილებას და ამ ვალდებულებასთან დაკავშირებულ რისკებს მიმდინარე საბაზრო პირობებით. შეფასებებში ცვლილება აისახება შესაბამისი პერიოდის მოგება-ზარალში.

2.11. ავანსები

ავანსები უფრო ნაკლებია, ვიდრე გაუფასურების ანარიცხები. წინასწარი გადახდა კლასიფიცირდება როგორც გრძელვადიანი, როცა წინასწარ გადახდებთან დაკავშირებული საქონელი ან მომსახურება მიღებულ იქნება ერთ წელიწადში ან როცა ავანსი დაკავშირებულია აქტივთან, რომელიც კლასიფიცირებული იქნება, როგორც გრძელვადიანი. ავანსი აქტივების შესაძენად დაკავშირებულია აქტივის ღირებულებასთან მას შემდეგ, რაც კომპანია შეიძენს კონტროლს მოცემულ აქტივზე და მიიღებს მისგან მოსალოდნელ ეკონომიკურ სარგებელს.

სხვა წინასწარი გადახდები აღიწერება მოგება-ზარალში მას შემდეგ, რაც მოხდება საქონლის ან მომსახურების მიღება. თუ არსებობს იმის მითითება, რომ ვერ მოხდება საქონლის ან სერვისის მიღება, წინასწარი გადახდის ღირებულება ჩამოიწერება შესაბამისად მიმდინარე წლის მოგება-ზარალის ანგარიშზე.

2.12. სესხები და მისაღები ავანსები

სესხები და მისაღები ავანსები არის არარელევანტური ფინანსური აქტივები ფიქსირებულ და განსაზღვრულ გადახდებთან ერთად, რომელთა კვოტირებაც არ ხდება აქტიურ ბაზარზე. თავდაპირველი გაზომვების მერე, მსგავსი ფინანსური აქტივები იზომება ამორტიზირებული ღირებულებით, რომელიც გამოითვლება ეფექტური პროცენტის მეთოდით (EIR), რომელიც ნაკლებად გაუფასურებადია. ამორტიზებული ღირებულება გამოითვლება აქტივის შეძენისას ყველა ფასდაკლების ან პრემიუმის და ხარჯების გათვალისწინებით, რაც EIR-ის განუყოფელი ნაწილია. EIR ამორტიზაცია აისახება ფინანსურ შემოსავალში მოგება-ზარალის ნაწილში. დანაკარგები გაუფასურებიდან აისახება მოგება-ზარალის ნაწილში სესხების და გაყიდვების ფინანსურ და მისაღები ავანსების სხვა საოპერაციო ხარჯებში.

2.13 ერთობლივი საქმიანობა: ერთობლივი ოპერაცია

ერთობლივი საქმიანობა ისეთი საქმიანობაა, რომელსაც ერთობლივად აკონტროლებს ორი ან მეტი მხარე. ერთობლივი ოპერაცია ისეთი ერთობლივი საქმიანობაა, რომლის დროსაც მხარეებს, რომლებიც ერთობლივ კონტროლს ახორციელებენ საქმიანობაზე, გააჩნიათ ამ საქმიანობასთან დაკავშირებულ აქტივებზე უფლებები და პასუხისმგებლობა - ამ საქმიანობასთან დაკავშირებულ ვალდებულებებზე (განსხვავებით ერთობლივი საწარმოსგან, სადაც მხარეებს აქვთ უფლებები საქმიანობის წმინდა აქტივებზე). როდესაც ჯგუფი არის ერთობლივი ოპერატორი ერთობლივ ოპერაციაში, ის ამ ოპერაციაში მისი ინტერესის გათვალისწინებით აღიარებს: (ა) თავის აქტივებს, მათ შორის თავის წილს ერთობლივ აქტივებში; (ბ) თავის ვალდებულებებს, მათ შორის თავის წილს ერთობლივად აღებულ ვალდებულებებში; (გ) თავის ამონაგებს, რომელიც მიიღო ერთობლივი ოპერაციის შედეგად წარმოებული პროდუქციის თავისი წილის გაყიდვიდან; (დ) თავის წილს ერთობლივი ოპერაციის შედეგად წარმოებული პროდუქციის გაყიდვიდან მიღებულ ამონაგებში; და (ე) თავის ხარჯებს, მათ შორის თავის წილს ერთობლივად გაწეულ ხარჯებში.

3. ძირითადი სააღრიცხვო შეფასებები და გადაწყვეტილებები

კომპანია ახდენს გარკვეული სააღრიცხვო შეფასებებისა და გადაწყვეტილებების შემუშავებას მომავალი პერიოდებისათვის. შეფასებებისა და გადაწყვეტილებების გადახედვა ხდება მუდმივად, გამოცდილებასა და სხვა ფაქტორებზე დაყრდნობით, რომელიც ითვალისწინებს მომავალ პერიოდში

სს „სადაზღვევო კომპანია ტაო“
ფინანსური ანგარიშგების განმარტებითი შენიშვნები
2018 წლის 31 დეკემბრის მდგომარეობით
(თანხა მოცემულია ათას ლარში)

მოსალოდნელ მოვლენებსაც. მომავალ პერიოდებში მიღებული გამოცდილება შესაძლოა განსხვავებული იყოს ამ შეფასებებისა და დაშვებებისაგან.

დაზღვევის კონტრაქტებიდან წარმოშობილი ზარალების საბოლოო ვალდებულების განსაზღვრა ჯგუფის ყველაზე მნიშვნელოვანი შეფასებაა. გარკვეული განუსაზღვრელობა არსებობს საბოლოო ზარალების გადახდის ვალდებულების შეფასებისას. ძირითადი დაზღვევის კონტრაქტებისთვის, შეფასებები უნდა გაკეთდეს როგორც საანგარიშგებო თარიღისთვის განცხადებული მოსალოდნელი საბოლოო ზარალების, ისე განუცხადებელი ზარალებისთვის. ზარალების ზუსტი საბოლოო მოცულობის განსაზღვრა შესაძლოა დიდი პერიოდის გასვლის შემდეგ მოხდეს. დაზღვევის კონტრაქტის შედეგად წარმოშობილი ზარალების დისკონტირება არ ხდება.

გაუფასურების შესაფასებლად კომპანია რეგულარულად ამოწმებს მოთხოვნებს დაზღვევიდან და გადაზღვევიდან. სააღრიცხვო მიზნებისთვის კომპანია ფინანსური აქტივების გაუფასურებით გამოწვეული ზარალის აღიარებისთვის იყენებს განცდილი ზარალის მოდელს. რაც იმას ნიშნავს, რომ ზარალის აღიარება დასაშვებია მხოლოდ მაშინ, როდესაც არსებობს კონკრეტული ზარალის დადგომის შემთხვევის ობიექტური მტკიცებულება. გამომწვევ მიზეზებს შორისაა კლიენტის ფინანსური სირთულეები და/ან ხელშეკრულების პირობების, მაგალითად გადახდის პირობის დარღვევა. რეზერვის მოცულობა მცირდება დავალიანების იმ თანხით, რომლის ამოღებასაც კომპანია საფუძვლიანად ვარაუდობს. ხელმძღვანელობის განსჯით, წარსულ ტენდენციებზე დაყრდნობით შეიძლება ზარალის პროგნოზირება და ამ მეთოდის გამოყენება შეიძლება ანგარიშგების პერიოდის ბოლოსთვის ამოღებადი დავალიანების მოცულობის შესაფასებლად.

4. წმინდა სადაზღვევო შემოსავალი

კომპანიების წმინდა სადაზღვევო შემოსავალი 2018 და 2017 ფინანსური წლებისთვის:

	2018	2017
სახმელეთო ავტოსატრანსპორტო საშუალებათა დაზღვევა (ავტოკასკო)	3,806	(4)
ავტომოტოტრანსპორტის მფლობელთა სამოქალაქო პასუხისმგებლობის სავალდებულო დაზღვევა	1,858	-
სახმელეთო ტრანსპორტის გამოყენებასთან დაკავშირებული სამოქალაქო პასუხისმგებლობის დაზღვევა	296	10
მგზავრების, მძღოლის ან ეკიპაჟის დაზღვევა უბედური შემთხვევებისაგან	32	-
სიცოცხლის ვადიანი დაზღვევა	8	33
საკრედიტო ვალდებულებათა დაზღვევა	1	2
ქონების დაზღვევა	1	3
სულ	6,002	44
	(2,073	
გამოუმუშავებელი პრემიის რეზერვის წმინდა ცვლილება)	48
გადამზღვეველისთვის კუთვნილი პრემია	(6)	371
	-	-
წმინდა სადაზღვევო შემოსავალი	3,923	463

სს „სადაზღვევო კომპანია ტაო“
 ფინანსური ანგარიშგების განმარტებითი შენიშვნები
 2018 წლის 31 დეკემბრის მდგომარეობით
 (თანხა მოცემულია ათას ლარში)

5. ფინანსური შემოსავალი

ფინანსური შემოსავალი მოიცავს:

	2018	2017
ფინანსური შემოსავალი დეპოზიტებიდან	533	503
ფინანსური შემოსავალი გაცემული სესხებიდან	177	171
ფინანსური შემოსავალი თამასუქებიდან	25	-
სხვა ფინანსური შემოსავალი	25	7
სულ	760	681

6. მთლიანი სარგებელი და დაურეგულირებელი ზარალი

	2018	2017
სახმელეთო ავტოსატრანსპორტო საშუალებათა დაზღვევის ზარალი	646	36
სახმელეთო ტრანსპორტის გამოყენებასთან დაკავშირებული სამოქალაქო პასუხისმგებლობის დაზღვევის ზარალი	105	-
ავტომობილტრანსპორტის მფლობელთა სამოქალაქო პასუხისმგებლობის სავალდებულო დაზღვევის ზარალი	60	-
სულ	811	36

7. ცვლილება ვალდებულებებში სადაზღვევო კონტრაქტებიდან

	2018	2017
ცვლილება განცხადებულ, მაგრამ დაურეგულირებელ ზარალების რეზერვში	(476)	99
ცვლილება მომხდარ, მაგრამ განუცხადებელ ზარალების რეზერვში	1	4
სულ	(475)	103

8. საერთო და ადმინისტრაციული ხარჯები

კომპანიის ზოგადი და ადმინისტრაციული ხარჯები 2018 და 2017 ფინანსური წლებისთვის:

	2018	2017
საწევრო შენატანები	204	-
ხელფასები	81	53
აუდიტის ხარჯი	14	6
იჯარის ხარჯი	12	12
ბანკის ხარჯი	3	2
დაზღვევის ხარჯი	2	-
სხვა საერთო და ადმინისტრაციული ხარჯები	51	16
სულ	367	89

9. მოგების გადასახადი

მომრავლამ გადავადებულ საგადასახადო აქტივში დროებითი ცვლილებების გამო შეადგინა 52 ათასი. კომპანია არ აღიარებს გადავადებული მოგების გადასახადის აქტივს, რადგან მიაჩნია რომ ამ აქტივის გამოყენება ვერ მოხდება 2023 წლამდე. 2023 წლის 1 იანვრიდან სადაზღვევო კომპანია მოგების გადასახადი გადადის ახალ მოდელზე, რომლის მიხედვითაც სხვაობა ფინანსურ მოგებასა და საადასახადო მოგებას შორის აღარ იქნება და შესაბამისად ვერ მოხდება გადავადებული გადასახადების გამოყენება.

10. ფულადი სახსრები და მისი ეკვივალენტები

	31 დეკემბერი, 2018	31 დეკემბერი, 2017
ფული ბანკში ეროვნულ ვალუტაში	654	117
სულ	654	117

11. მოთხოვნები საკრედიტო ინსტიტუტებიდან

	31 დეკემბერი, 2018	31 დეკემბერი, 2017
საბანკო დეპოზიტები ლარის ეკვივალენტში	5,950	4,956
საბანკო დეპოზიტების პროცენტი ლარის ეკვივალენტში	399	350
სულ	6,349	5,306

მოთხოვნები საკრედიტო დაწესებულებების მიმართ წარმოდგენილია როგორც გრძელვადიანი, ასევე მოკლევადიანი დეპოზიტების სახით და ერიცხება წლიური 9%-დან 11,5%-მდე.

12. სააქციო კაპიტალი

სააქციო კაპიტალი შედგება 2,500,000 ჩვეულებრივი აქციისაგან, თითოეულის ნომინალური ღირებულებაა ერთი ლარი. აქციონერები წარმოდგენილია განმარტებით შენიშვნებში (1) „ზოგადი ინფორმაციის“ ნაწილში.

13. სადაზღვევო მოთხოვნა

სადაზღვევო მოთხოვნები პერიოდის ბოლოს მოიცავს:

	31 დეკემბერი, 2018	31 დეკემბერი, 2017
სადაზღვევო მოთხოვნა	2,998	816
გაუფასურების რეზერვი	(778)	(749)
სულ	2,220	67

14. გაცემული სესხი

	31 დეკემბერი, 2018	31 დეკემბერი, 2017
გაცემული სესხები	3,327	1,448
მისაღები პროცენტები	11	441
სულ	3,338	1,889

2018 წლის 31 დეკემბრის მდგომარეობით კომპანიას გაცემული აქვს სესხი დაკავშირებული კომპანიაზე 3,000 ლარის ოდენობით (2017 წლის 31 დეკემბერი: ნული) 11%-ში, რომლის დასრულების თარიღი არის

სს „სადაზღვევო კომპანია ტაო“
 ფინანსური ანგარიშგების განმარტებითი შენიშვნები
 2018 წლის 31 დეკემბრის მდგომარეობით
 (თანხა მოცემულია ათას ლარში)

2019 წლის 18 დეკემბერი. ინფორმაცია დაკავშირებულ მხარეებთან არსებულ ოპერაციებზე მოცემულია 21-ე შენიშვნაში.

15. სხვა ფინანსური აქტივები

	31 დეკემბერი, 2018	31 დეკემბერი, 2017
თამასუქები	200	-
სულ	200	-

სხვა ფინანსური აქტივები წარმოდგენილია მიკროსაფინანსო ორგანიზაციისგან მიღებული ერთწლიანი თამასუქის სახით, რომელსაც ერიცხება წლიური 13% და გადახდის ვადაა 13 სექტემბერი, 2019.

16. წინასწარ გადახდები

	31 დეკემბერი, 2018	31 დეკემბერი, 2017
წინასწარ გადახდილი საწევრო შენატანი	112	-
წინასწარ გადახდილი ხელფასი	20	4
სხვა წინასწარ გადახდები	24	-
სულ	156	4

17. სხვა ვალდებულებები

	31 დეკემბერი, 2018	31 დეკემბერი, 2017
გადასახდელი საკომისიოები	116	47
ვალდებულება გაწეულ მომსახურებაზე	94	13
გადასახდელი მოგების გადასახადი	277	5
გადასახდელი სამემოსავლო გადასახადი	47	22
მიღებული ავანსები	-	8
სულ	534	95

18. ვალდებულებები სადაზღვევო საქმიანობიდან

	31 დეკემბერი, 2018	31 დეკემბერი, 2017
გამოუმუშავებელი პრემიის რეზერვი	2,163	69
განცხადებული, მაგრამ დაურეგულირებელი ზარალების რეზერვი	530	55
მომხდარი, მაგრამ განუცხადებელი ზარალების რეზერვი	3	2
სულ	2,696	126

19. სადაზღვევო რისკი

სადაზღვევო ხელშეკრულების რისკი არის სადაზღვევო შემთხვევის დადგომის რისკი, რაც მოიცავს სადაზღვევო ზარალის ოდენობის და დადგომის დროის გაურკვევლობას. კომპანიის ძირითადი რისკი ასეთ დროს არის ის, რომ ფაქტიური ზარალის სიდიდე შეიძლება აღემატებოდეს სადაზღვევო ვალდებულებათა შეფასებულ ოდენობას. აღნიშნულზე გავლენას ახდენს ზარალების სიხშირე და მასშტაბი.

რისკების შემცირება ხდება ანდერრაიტინგის სტრატეგიის ფრთხილი შერჩევითა და დანერგვით, ასევე გადაზღვევის ხელშეკრულებების გამოყენებით. ჯგუფი ადგენს ანდერრაიტინგის დირექტივებს და შეზღუდვებს, საიდანაც განისაზღვრება, თუ ვის რა რისკის მიღება შეუძლია და რა შეზღუდვებით. აღნიშნული შეზღუდვების მონიტორინგი მუდმივად ხორციელდება.

ძირითადი დაზღვევის კონტრაქტებისთვის ყველაზე არსებითი რისკი წარმოიქმნება კლიმატური ცვლილებების და ბუნებრივი კატასტროფებისგან. სამედიცინო დაზღვევის კონტრაქტებისთვის ყველაზე არსებითი რისკი წარმოიქმნება ცხოვრების სტილის შეცვლის, ეპიდემიების და მსგავსი შემთხვევების შედეგად. რისკები მნიშვნელოვნად განსხვავდება მათი წარმოშობის ადგილის, სახეობისა და ინდუსტრიის მიხედვით. აქედან გამომდინარე, პორტფელის თანხების არასათანადო კონცენტრაციამ შესაძლოა უარყოფითი გავლენა მოახდინოს ჯგუფის შემოსავლებზე.

სადაზღვევო გარიგებებთან დაკავშირებული ზარალების გადახდის ვალდებულება წარმოიშობა მათი ფაქტიურად მოხდენის მომენტში. არსებობს რამდენიმე ცვლადი, რომელიც გავლენას ახდენს სადაზღვევო გარიგებების შედეგად წარმოშობილი ფულადი ნაკადების მოცულობასა და დროულობაზე. ეს განუსაზღვრელობები ძირითადად უკავშირდება დაზღვეული სექტორის თანდაყოლილ, შიდა რისკს და ჯგუფის მიერ მიღებულ და განხორციელებულ რისკის მართვის პროცედურებს. ზარალების შეფასებული ღირებულება მოიცავს ზარალების დაფარვისთვის საჭირო პირდაპირ დანახარჯებს, რომლებიც შემცირებულია მესამე მხარის მიერ გადასახდელი თანხებით. კომპანია ყველანაირად ცდილობს, დარწმუნდეს, რომ მას გააჩნია საკმარისი ინფორმაცია სადაზღვევო ზარალების წარმოშობის შესახებ. სადაზღვევო გარიგებებთან დაკავშირებული ვალდებულება მოიცავს მომხდარი, მაგრამ განუცხადებელი ზარალების რეზერვს, და განცხადებული, მაგრამ დაურეგულირებელი ზარალების რეზერვს.

მომხდარი, მაგრამ განუცხადებელი ზარალების რეზერვის შეფასება, როგორც წესი, დაკავშირებულია მთელ რიგ განუსაზღვრელობებთან, განსხვავებით იმ ზარალების ღირებულების შეფასებისგან, რომელთა შესახებაც ჯგუფს ინფორმაცია აქვს.

ყოველი პერიოდის ბოლოს ჯგუფი შეფასებულ ზარალებს ტესტავს ადეკვატობაზე: ჯგუფი განსაზღვრავს, ზარალების შეფასებული ვალდებულებები არის თუ არა ნაკლები იმ საბალანსო ღირებულებაზე, რომელიც მოთხოვნილი იქნებოდა, თუ შესაბამისი სადაზღვევო ვალდებულებები მოხდებოდა ბასს 37-ის „ანარიცხები, პირობითი ვალდებულებები და პირობითი აქტივები“ მოქმედების სფეროში, თუ შეფასებული ვალდებულებები ბასს 37-ის მოთხოვნების შესაბამისად შექმნილ ანარიცხებზე ნაკლები აღმოჩნდა, მაშინ ჯგუფი მთელ უკმარ თანხას აღიარებს მოგებაში ან ზარალში და გაზრდის შესაბამისი სადაზღვევო ვალდებულებების საბალანსო ღირებულებას.

20. ფინანსური რისკები

საოპერაციო, საინვესტიციო და საფინანსო საქმიანობების განხორციელებისას, ჯგუფი ექვემდებარება შემდეგ ფინანსურ რისკებს:

- საკრედიტო რისკი: ალბათობა, რომ მსესხებელი ვერ შეძლებს გადაიხადოს მთლიანი სესხი ან მისი ნაწილი, ან ვერ შეძლებს სესხის დროულად დაფარვას, რაც გამოიწვევს ზარალს ჯგუფისთვის;
- ლიკვიდურობის რისკი: რისკი რომ ჯგუფს არ ექნება, ან ვერ ამოიღებს ნაღდ ფულს საჭირო დროს და ამის შედეგად აღმოჩნდება სირთულეების წინაშე ფინანსურ ვალდებულებებთან დაკავშირებული მოვალეობების შესრულების თვალსაზრისით;
- საბაზრო რისკი: რისკი, რომ საბაზრო ფასების ცვალებადობის შედეგად შეიცვლება ფინანსური ინსტრუმენტის ღირებულება ან ფულადი სახსრების მომავალი ნაკადები სამართლიანი

სს „სადაზღვევო კომპანია ტაო“
 ფინანსური ანგარიშგების განმარტებითი შენიშვნები
 2018 წლის 31 დეკემბრის მდგომარეობით
 (თანხა მოცემულია ათას ლარში)

ღირებულების თვალსაზრისით. საანგარიშგებო პერიოდში ეს რისკი კომპანიისთვის არ იყო არსებითი.

ფინანსური რისკების მართვის ღონისძიებები ხორციელდება გონივრულად და თანმიმდევრულად, ბაზრის საუკეთესო პრაქტიკის შესაბამისად. ქვემოთ წარმოდგენილია ჯგუფის ფინანსური აქტივები და ვალდებულებები:

	31 დეკემბერი, 2018	31 დეკემბერი, 2017
ფინანსური აქტივები		
სადაზღვევო მოთხოვნები	2,220	67
მოთხოვნები საკრედიტო ინსტიტუტებიდან	6,349	5,306
ფული და ფულის ეკვივალენტები	654	117
დებიტორული დავალიანება	40	22
გაცემული სესხები	3,338	1,889
სულ	12,601	7,401
ფინანსური ვალდებულებები		
გადაზღვევა	9	-
ვალდებულებები სადაზღვევო კონტრაქტებიდან (ნეტო RBNS და IBNR)	533	57
სხვა ვალდებულებები	534	220
სულ	1,076	153

საკრედიტო რისკი

საკრედიტო რისკის კონტროლს კომპანია ახერხებს მხოლოდ კრედიტუნარიან კონტრაგენტებთან ხელშეკრულებების გაფორმებით.

მაქსიმალური საკრედიტო რისკი, რომელიც გამომჟღავნდა შეჯამებულია მოცემულ ცხრილში:

	31 დეკემბერი, 2018	31 დეკემბერი, 2017
სადაზღვევო მოთხოვნები	2,220	67
მოთხოვნები საკრედიტო ინსტიტუტებიდან	6,349	5,306
ფული და ფულის ეკვივალენტები	654	117
დებიტორული დავალიანება	40	22
გაცემული სესხები	3,338	1,889
სულ	12,601	7,401

ლიკვიდურობის რისკი - ფინანსური ვალდებულებების ვადიანობის ანალიზი

ლიკვიდურობის რისკი არის მისი რისკი, რომ კომპანიას გაუჭირდება სახსრების მოზიდვა ფინანსურ ინსტრუმენტებთან დაკავშირებული ფულადი ვალდებულებების შესასრულებლად. ლიკვიდურობის რისკი შეიძლება გამოიწვიოს ფინანსური აქტივების სამართლიანი ღირებულებით სწრაფად გაყიდვის უუნარობამ, კონტრაგენტის მიერ სახელშეკრულებო ვალდებულების შეუსრულებლობამ, სადაზღვევო ვალდებულების მოსალოდნელზე ადრე გადახდის აუცლებლობამ ან დაგეგმილი ფულადი ნაკადების მიღების უუნარობამ.

კომპანია ლიკვიდურობას მართავს მისი ლიკვიდურობის რისკის პოლიტიკის მეშვეობით, რომელიც განმარტავს იმას, თუ რა წარმოადგენს კომპანიისთვის ლიკვიდურობის რისკს. ძირითადი

სს „სადაზღვევო კომპანია ტაო“
 ფინანსური ანგარიშგების განმარტებითი შენიშვნები
 2018 წლის 31 დეკემბრის მდგომარეობით
 (თანხა მოცემულია ათას ლარში)

ლიკვიდურობის რისკი წარმოიშობა ყოველდღიური მოთხოვნებიდან ხელმისაწვდომ ფულად სახსრებზე მომწოდებელებისგან, სადაზღვევო ვალდებულებებისგან და სესხებისგან. ქვემოთ წარმოდგენილია კომპანიის აქტივებისა და ვალდებულებების ანალიზი, რომლებიც დაჯგუფებულია ვადიანობის მიხედვით, ანგარიშგების დღისთვის ხელშეკრულების ამოწურვის ან დაფარვის მოსალოდნელ თარიღამდე დარჩენილი ვადის შესაბამისად.

2018	1 წლამდე	1-დან 5 წლამდე	5 წელზე მეტი	სულ
ფინანსური აქტივები				
სადაზღვევო მოთხოვნები	2,220	-	-	2,220
მოთხოვნები საკრედიტო ინსტიტუტებიდან	6,349	-	-	6,349
ფულადი სახსრები და მისი ეკვივალენტები	654	-	-	654
დებიტორული დავალიანება	40	-	-	40
გაცემული სესხები	-	3,338	-	3,338
სულ ფინანსური აქტივები	9,263	3,338	-	12,601
ფინანსური ვალდებულებები				
ვალდებულება გადაზღვევიდან	9	-	-	9
ვალდებულებები სადაზღვევო კონტრაქტებიდან	2,696	-	-	2,696
სხვა ვალდებულებები	534	-	-	534
სულ ფინანსური ვალდებულებები	3,239	-	-	3,239

2017	1 წლამდე	1-დან 5 წლამდე	5 წელზე მეტი	სულ
ფინანსური აქტივები				
სადაზღვევო მოთხოვნები	67	-	-	67
მოთხოვნები საკრედიტო ინსტიტუტებიდან	5,306	-	-	5,306
ფულადი სახსრები და მისი ეკვივალენტები	117	-	-	117
დებიტორული დავალიანება	22	-	-	22
გაცემული სესხები	-	1,889	-	1,889
სულ ფინანსური აქტივები	5,512	1,889	-	7,401
ფინანსური ვალდებულებები				
ვალდებულება გადაზღვევიდან	-	-	-	-
ვალდებულებები სადაზღვევო კონტრაქტებიდან	126	-	-	126
სხვა ვალდებულებები	95	-	-	95
სულ ფინანსური ვალდებულებები	221	-	-	221

21. დაკავშირებული მხარეები

ოპერაციები დაკავშირებულ მხარეებთან	კავშირი	2018	2017
წმინდა სადაზღვევო შემოსავალი	საერთო კონტროლის ქვეშ მყოფი კომპანიები	662	1
საპროცენტო შემოსავალი	საერთო კონტროლის ქვეშ მყოფი კომპანიები	170	162
სულ		832	163

სს „სადაზღვევო კომპანია ტაო“
 ფინანსური ანგარიშგების განმარტებითი შენიშვნები
 2018 წლის 31 დეკემბრის მდგომარეობით
 (თანხა მოცემულია ათას ლარში)

ნაშთები დაკავშირებულ მხარეებთან	კავშირი	31 დეკემბერი, 2018	31 დეკემბერი, 2017
გაცემული სესხები	საერთო კონტროლის ქვეშ მყოფი კომპანიები	3,327	1,571
ვალდებულებები სადაზღვევო კონტრაქტებიდან	საერთო კონტროლის ქვეშ მყოფი კომპანიები	477	29
სადაზღვევო მოთხოვნები	საერთო კონტროლის ქვეშ მყოფი კომპანიები	1,035	50
სულ		4,839	4,839

ოპერაციები უმაღლეს ხელმძღვანელობასთან	2018	2017
შრომითი ანაზღაურება და სხვა სარგებელი	8	8
სულ	8	8

ნაშთები უმაღლეს ხელმძღვანელობასთან	31 დეკემბერი, 2018	31 დეკემბერი, 2017
გაცემული სესხები	327	319
სულ	327	319

ზემოთ წარმოდგენილი ტრანზაქციები შესრულდა იგივე პირობებით, როგორც პირობებითაც სრულდება ანალოგიური ტრანზაქციები არადაკავშირებულ მხარეებთან.

22. საანგარიშგებო პერიოდის შემდეგ მომხდარი მოვლენები

ეს ფინანსური ანგარიშგება დამტკიცდა გამოსაშვებად ჯგუფის ხელმძღვანელობის მიერ 2019 წლის 12 აპრილს. საანგარიშგებო პერიოდის შემდეგ ადგილი არ ჰქონია ისეთ მოვლენებს, რომლებიც მოითხოვს განმარტებით შენიშვნებში აღნიშვნას.